

Powšitkowne WOZJEWJENJA

njedźelu, 13. nowembra 2016

Zakónčenje Lěta smilnosće w Róžeńće

Na swjedženju Chrysta Krala njedźelu, 20. nowembra, w 15.00 hodź. je w Róžeńčanskej swjatej swjatočny nyšpor k zakónčenju Lěta smilnosće. Wšitcy młodostni a wšitcy wěriwi ze swojimi swójbami su wutrobnje přeprašeni. Serbska dekanatna młodžina nyšpor wuhotuje a přeprašuje po tym wšitkich na zhromadnu swačinu. Štóž by k tomu tykanc napjekł, njech to prošu hač do wutory, 15. nowembra, w dekanatnym dušepastyrstwie we Worklecach přizjewi, telefonowe čisło (03 57 96) 9 55 95.

Zetkanje samostejacych w Smochćicach

Samostejacy ze serbskich wosadow su na swoje přichodne zetkanje wutoru, 6. decembra, w 14 hodź. do Domu biskopa Bena w Smochćicach přeprašeni. Zajimcy njech so prošu hač do wutory, 29. nowembra, w redakciji Katolskeho Posoła přizjewja, telefonowe čisło (0 35 91) 55 02 12. Štóž chce wotewzaty być, njech to prošu zdźěli. Wšitcy njech sej Wosadnik sobu přinjesu. Tež zajimcy su wutrobnje witani.

Ponowjene pišćełe zaklinča

Nazymu lěta 1866 buchu w katolskim dźělu Budyskeje tachantskeje cyrkwy pišćełe poswjećene, kiž natwari tehdyša Budyska pišćelotwarska firma Leopolda Kohla. Po lětušej renowaciji pišćelow, kotruž přewza Eulec pišćelotwarska firma z Budyšina, wopominaja nětko jich 150. jubilej z wosebitej pišćelowej hudźbu, a to tutu njedźelu, 13. nowembra, we 18.00 hodź. Na tutym wječoru zahraja Budyskaj organistaj Feliks Brojer a cyrkwiniski hudźbny direktor Friedemann Böhme a jako hosćej prof. Matthias Eisenberg a tachantski organist Drježdžanskeje katedrale Johannes Trümpler. Kolekta je za dalšu renowaciju wobeju tachantskeju pišćelow postajena.

Hromadža hodowne dary

Towarstwo swjateje Filomeny z.t. chce tež lětsa dźěci a swójby w čěskim Dolním Podluží kaž tež bołharskim Razgradze a wokolnych wsach z hodownymi pakćikami zwjeselić. Jich wobsah njeje předpisany. Spomóžne pak je, zo ma pakćik nalěpk, na přikład swójba abo holca 8-10 lět abo hólca 3-5 lět. Wotedać móža so pakćiki wot pón-džeje do štwórtka, 14. do 17. nowembra, stajnje wot 17 do 18 hodź. w Smjerdžečanskim kulturnym domje. W tutym času přijimuju tohorunja derje zdźeržanu drastu a počehnjenja. Dalša móžnosć podpěranja su pjenježne dary, z kotrychž maja so transport financować kaž tež wšelake socialne zarjadnišća podpěrać. Přepokazać móža so na konto St.-Filomena-Verein e.V., IBAN: DE45 855 90 000 037 262 47 01 pola Ludoweje banki Budyšin e.G. pod hesłom „Razgrad“. Nimo toho je wjele pomocnikow při nakładowanju awtow trěbnych, a to srjedu, 16. nowembra, w 9 hodź. a pjatk, 18. nowembra, wot 14 hodź.

Gospelowy oratorij w Marije-Marcínej cyrkwi

Gospelowy oratorij „Our father in haeven“ z pjera Ralfa Grösslera zaklinči srjedu, 16. nowembra, w 17 hodź w Budyskej Marije Marcínej cyrkwi. Twórbu předstaji Ewangelske kantorstwo swjateho Pětra a orchester Serbskeho ludoweho ansambla pod nawodom cyrkwinskeho hudźbneho direktora Michaela Vettera.

Adwentne paslenje we Worklecach

Na paslenje adwentneje pychi přepróšuje Dekanatne dušepastyrstwo młodžiny sobotu, 26. nowembra, wot 13 do 17 hodź. młodostnych, maćerje a dalších zajimcow do Don Boskoweho domu we Worklecach. Kóždy ma swój předžěłany material zapłaćić.

Poskitk džěłoweho městna

Dom swjateho Jana w Smječkecach pyta za nócnu službu pak chorobnu sotru (Gesundheits- und Krankenpfleger) pak hladarja starych z přidatnym wukubłanjom za hladanje zbrašenych (HPZ) pak hladarja-kublarja zbrašenych (Heilerziehungspfleger) abo z podobnym powołanjom a zwólniwosću, tule kwalifikaciju nachwatać. Džěłowy čas je wot wječora 20 hodź. hač do ranja 6 hodź., a to dvě do tři nocy wob tydzeń. Městno ma so wot 1. januara wobsadzić. Swoje pisomne požadanje měli zajimcy hač do 30. nowembra na adresu Dom swjateho Jana, Janska kupjel 1, 01920 Worklecy, pósłać.

Premjera noweho serbskeho filma

„Peeweeje – mišterstwa na lodže“ je nowy serbskorěčny hrajny film, kotrehož premjerne předstajenje budže srjedu, 16. nowembra, w 16.30 hodź. w Chróšćanskej „Jednoće“. Na Mjezynarodnym filmowym festiwalu Šibałc 2013 w Kamjenicy bu kanadiski film jako najlěpši wuznamjenjeny. Lubina Hajduk-Veljkovićowa je francosku originalnu rěč do serbsčiny přenjesła. Wo synchronizowanje je so Michał Cyž, nawoda Budyskeho Sakskeho wukubłanskeho a wupruwowanskeho kanala, postarał. Film jedna wo 12lětnym Janeau, kotryž je wulki talent w lodohokeju. Po smjerći maćerje, kotraž je jeho trenowała, přećahny ze swojim nanom do cuzeho města a přesta lodohokej hrać – hač do toho wokomika, hdyž swój rozsud změní ...